

左文襄公奏稿續編卷七十一

恩 恩收還成命

奏為披憑愚忱敬懇 天恩收還成命事竊臣於二月二十三日准兵部

火票遞到光緒四年二月十二日內閣奉

上諭欽差大臣大學士陝甘總督左宗棠籌兵籌餉備應艱辛卒能謀出萬全膚功迅奏著加恩由一等伯晉

為二等侯欽此跪誦之下感激涕零不知所措伏念臣本寒微驟躋通顯蒙 三朝特達之知封圻屢試

荷 先皇逾格之擢鈞軸參司凡茲曠世莫觀之遭逢實為千載一時之知遇比以鶻部游魂龍荒偃息

當邊庭未靖之日正疆臣勦力之秋稟 宸謨肅申 天討 威張所向逆裔習消勁旅長驅回疆速

復舊章 朝廷之勝算下藉將士之同心用能略定窮邊稍呈薄效乃荷 溫諭更加 懋賞 獎

微勞等筆 晉高爵以候封聞 命自 天慚懷無地況夫巨寇通謀避荒遠匿三窟竟貽大獲免偏

師不戒於前禽方慙規畫多疎綢繆未預轉沐 恩榮下逮亦竊何堪物貴持盈既盛滿之足懼處非其

據尤悚仄以難安伏懇 皇鴻慈允收成命俾微臣稍循愚分倍勵匪躬馳驅更效乎涓埃靖敢共忘

夫夙夜所有惶恐待 命之忱謹恭摺憑陳伏乞 皇太后 皇上聖鑒施行謹 奏光緒四年

三月初五日 光緒四年三月十九日內閣奉

上諭左宗棠奏憑陳下忱請收回成命一摺前因回疆底定加恩左宗棠由一等伯晉為二等侯原以該大臣

督辦軍務力任其難當此疆圉肅清自應特沛殊恩用彰偉績乃該大臣成功不居彌懷悚仄具見惓忱

惟朝廷錫爵酬庸權衡至當功懋懋賞禮亦宜之尚其勉圖報稱毋再固辭欽此

仍懇 允收成命 奏為 天恩愈渥臣志難安仍懇 允收成命事竊臣於四月初三日准兵部火

票遞回原摺後開軍機大臣奉 旨另有旨欽此同日遞到光緒四年三月十九日內閣奉

上諭左宗棠奏憑陳下忱請收回成命一摺前因回疆底定加恩左宗棠由一等伯晉為二等侯原以該大臣

督辦軍務力任其難當此疆圉肅清自應特沛殊恩用彰偉績乃該大臣成功不居彌懷悚仄具見惓惓
惟朝廷錫爵酬庸權衡至當功懋懋賞禮亦宜之尚其勉圖報稱毋再固辭欽此聞 命以來夙夜兢兢
罔殺指雖 君父推恩功疑不妨從重而微臣省分名過彌覺難安伏念 臣邊塞督師時經數載倖值

遐荒之禾莫無非藉羣策以告成而巨憝尚漏刑殊未預網繆於周索伊犁復遲收復猶阻聲教於堯封
況時憂亢旱災侵方殷 皇太后獨賑頻頒 皇上修省恭切 臣台階泰列稽之往代策勉固有

難辭災理攸司反諸寸衷自效尤所宜亟以各徵之占言之恒風恒暘厥有由也以交儆之義言之維月
維日曷敢忘諸若復濫膺高爵更添優封是 寵錫備荷 鴻施而悚仄終殷戰懼伏念 朝廷爵賞自

有權衡而臣下心所難安亦宜委曲上陳冀邀 鑒納固非敢飾讓以鳴高亦不敢冒榮以速謗伏懇
天恩允收成命庶臣得安愚陋稍免愆尤不勝惶悚悚息待 命之至謹繕摺瀆陳伏乞 皇太后

皇上聖鑒訓示施行謹 奏 光緒四年四月十四日

光緒四年四月二十九日内閣奉

上諭左宗棠奏仍懇允收成命一摺所稱回疆底定巨憝稽誅各省災侵又復疊見正君臣交儆之時不敢濫
膺高爵等語具見敬畏之忱實堪嘉尚際此時艱孔亟該大臣於應辦事宜殫竭忠誠妥為籌畫即所以
圖報稱而濟艱難至該大臣兩次陳請固非飾讓鳴高而錫爵酬庸朝廷亦當有以示勸著仍遵前旨毋
再固辭欽此

請 飭催趕解協餉並借山東廣西庫款摺 奏為臣軍存餉將罄亟籌接濟請 旨飭催各省關提前請
趕解協餉并請 飭下廣西山東撫臣各借庫款存銀以濟急需恭摺馳陳仰祈 聖鑒事竊臣軍餉項

上年奏蒙 天恩飭撥庫款一百二十萬兩并 恩准籌借洋款五百萬兩上年秋冬間陸續撥解到甘

將士感荷 仁慈踴躍前驅所向克捷戎機迅順回疆一律肅清惟部款未到洋款商借未成之先臣因
懸軍深入數千里轉饋維艱不得不預為籌畫亟飭滬鄂陝各台局息借各華商銀一百數十餘萬兩暫

應急需俟洋款借到分批劃還曾經奏明在案華商借款外積欠洋行軍火鎗礮等項價銀三十餘萬兩均飭由洋款劃還上海採運局道員胡光墉稟擬劃存洋款銀三十萬兩採買洋米運解陝甘備賑臣以東洋米價雖賤由海口水運糶糴腳價亦輕本為合算惟由老河口溯丹浙之流小舟撥運龍駒寨改由陸路運陝西腳費數倍於米價再由陝運甘腳價之多尤不勝計且陝西正採兩湖稻米運陝救飢水陸同出一途運道尤虞擁擠人畜之力亦難分濟已織商停辦所劃存之三十萬兩尚未解到計借洋款五百萬兩除劃還借欠各款一百八十餘萬兩外實解臣軍支用者不過二百八十餘萬兩此洋款入數也各省關應協光緒三年分西征糧餉除山西湖北兩省起解不足四成河南僅及四成外餘均在八成以上合計雖有七百餘萬兩內應除統收分解各款不計外又除舊解洋款應按年劃還本息銀一百二十五萬兩實借臣軍支用者不過三百八十餘萬兩合部款協款洋款三者并計收到實入之數七百數十萬兩光緒三年分及四年五月內外賴以支持一載有餘者以此其中尚有裁撤馬步各營清還積欠之餉慶陽辦賑及災款各區撫卹之費代河南山西墊發張曜金運昌兩軍餉糧運費鄂墊英翰明春金貴等餉糧籌發陝西鑿井救旱工賑銀十萬兩及撫臣商借運費銀二十萬兩等發本省慶陽一郡及各屬災歉之區應需賑撫各費新疆迪化州屬屯墾牛籽及運費總計又成鉅款凡此皆非臣軍經常餉需用款而除軍餉外別無可指待撥既繁時艱同值不得不通融挹注以顧急需入款將竭出款頻增臣與劉典往復籌商焦煩無策幸值回疆戡定亟宜從長計議經費之宜節者節之利源之宜開者開之庶期還復舊觀重睹承平之效關內裁併勇營改行糧章程為坐糧歲可節省銀數十萬兩關外南路就近採銅鑄錢以便民舉辦稅釐以裕課疏通財貨以利商清查官田以正賦節省轉運以助餉如果經理得宜行之以漸歲可增銀數十萬兩容當條舉縷陳以備聖明採擇惟興辦之始均須發給現銀乃可徐收成效而臣軍餉源既涸無可為謀惟聞山東廣西兩省近來庫存尚裕冀可通融臣已備緘牘商之撫臣文格請其代為籌措將山東應協之餉提前四年起解倘四年中山東遇有急需仍可由各省關協臣的餉內

徑行截留咨_臣具奏廣西本無協濟_臣軍之款如提庫存銀一百萬兩起解除初年不計外由_臣於湖南協_臣西征的餉內分年撥還歸款倘四年中廣西遇有急需仍可由_臣劃撥鄰近各省的餉陸續還款務歸有著文格與_臣相知最深楊重雅與_臣相處最久當能推誠許與也伏乞

飭下文格楊重雅設法

通融接濟共稽時局在兩省無所損而_臣得及時料理俾免息借之耗裨益實多其各協餉省分除山西

河南見請停緩不計外湖北一省上年解餉不及四成其餘廣東福建浙江江西江蘇湖南山東四川閩

海關各省關上年協濟西征餉項均在八成以上疆_臣力持時局西征將士感荷同聲惟有仰懇

飭下各督撫將軍_臣提前趕解大批協餉以資接濟仍照上年解足八成以上俾微_臣得免掣肘之虞大

局幸甚謹恭摺馳陳伏乞

皇太后 皇上鑒訓示施行謹 奏 光緒四年三月初五日

軍機大臣 字寄光緒四年三月十九日奉

上諭左宗棠奏軍餉將罄請飭催各省關趕解協餉并借山東廣西庫款存銀一摺各省關應協光緒三年分

西征新餉除山西湖北兩省起解不及四成河南備及四成外其餘均在八成以上用是師得指飽勘定

新疆惟用款浩繁而分撥之項有增無減見在籌辦善後一切事宜亦須大批餉銀方可徐收成效該大

臣所稱山東廣西近來庫存尚裕請將山東應協之餉提前四年起解倘四年中山東遇有急需仍可由

各省關協餉內徑行截留廣西提解庫存銀一百萬兩除初年不計外由湖南應協西征的餉內分年撥

還歸款倘四年中廣西遇有急需仍劃撥鄰近各省的餉陸續還款務歸有著等語係為支持大局起見

即著文格楊重雅妥為籌畫通融接濟毋稍推諉并著廣東福建浙江江西江蘇安徽湖南四川各將軍

督撫監督等設法籌書提前趕解大批協餉以濟急需上年山西河南旱災太廣停緩協餉自屬實在情

形湖北解餉不及四成殊屬玩泄嗣後務當源源接濟不得再有稽延致干咎戾關內裁併營勇及關外

疏通財貨各事宜仍著左宗棠認真籌畫次第奏明試辦以節餉需將此由五百里諭令左宗棠慶春沈

葆楨李瀚章何璟劉坤一丁寶楨吳元炳裕祿文格梅啟照劉秉璋卞寶第張兆棟楊重雅并傳諭勒方

錫保亨潘蔚崇福後啟知之欽此

胡光墉請

予恩施月

再浙江在籍紳士布政使銜江西補用道胡光墉上年聞陝省亢旱成災饑民待賑孔亟擬捐銀二萬兩白米一萬五千石裝運赴漢口飛挽入秦臣因道遠運艱飭改捐銀兩茲據稟稱改捐銀三萬兩共捐實銀五萬兩解陝備賑即前截留備購東洋米之洋款三十萬兩亦已改銀輕資到甘並據該道呈開捐輸江蘇沐陽縣賑務制錢三萬串捐輸山東賑銀二萬兩白米五千石制錢三千一百串又勸捐新棉衣三萬件捐山西賑銀一萬五千兩呈捐河南賑銀一萬五千兩祇因自擊時艱念災民飢饉流離之苦竭力捐助不敢仰邀獎敘等情前來臣維胡光墉自奏派辦理臣軍上海採運局務已歷十餘載轉運輸將毫無遺誤其經手購買外洋火器必詳察良格利鈍伺其價值平減廣為收購遇泰西各國出有新式鎗礮隨時購解來甘如前購之布洛斯後膛螺絲開花大礮用攻金積堡賊巢下堅堡數百生攻西甯之小峽口當者辟易上年用以攻達板城測準連轟安夷震懼無措賊畏之如神官軍亦美為利器爭欲得之現在陸續運解來甘者大小尚存數十尊後膛馬步鎗亦數千桿各營軍迅利無前關隴新疆連定雖曰兵精亦由利器則胡光墉之功實有可沒者至臣軍餉項全賴東南各省關協款接濟而催領頻仍轉運艱險多係胡光墉一手經理遇有缺乏胡光墉必先事籌維借湊預解洋款遲到則籌借華商鉅款補之臣軍倚賴尤深人所共見此次新疆底定核其功績實與前敵將領無殊臣不敢稍加矜詡自蹈欺誣之咎亦何敢稍從掩抑致負捐助之忱茲就胡光墉呈報捐賑各款合計銀錢米價綿衣及水陸運解腳價估計已在二十萬內外而捐助陝甘賑款為數尤多又歷年捐解陝甘各軍營試驗膏丹丸散及道地藥材凡西北備覓不出者無不應時而至總計亦成鉅款其好義之誠用情之摯如此察看紳富獨力呈捐無如其多者合無仰懇 天恩俯准將布政使銜江西補用道胡光墉 破格優獎 賞穿黃馬褂以示優異之處候 聖裁謹會同陝西撫臣譚鍾麟合詞附片具 奏 奏 聖鑒訓示施行謹 奏

光緒四年四月二十九日內閣奉

上諭左宗棠奏請將捐輸鉅款之道員獎敘等語道員胡光墉捐銀助賑前據梅啟照奏請嚴獎業交戶部嚴給獎敘至該員歷年購辦西征軍火籌運餉項一切均無遺誤其勞績實與前敵無異自應量予鼓勵胡光墉著賞穿黃馬褂該部知道欽此

劉典請開缺回籍摺 奏為幫辦軍務臣劉典病難速痊親年篤老急求歸養額懇 天恩俯允所請以遂微忱並懇 飭令秋間回籍俾資養頤恭摺陳仰祈 聖鑒事竊臣於三月二十六日欽奉

上諭劉典奏請開缺回籍養親並就醫治病一摺據稱現在新疆肅清軍務大定關內防營一時緘難盡裁督

臣可以就近兼顧毋須另員照料伊母衰病愈增需人侍奉並自陳病狀請開缺回籍養親治病等語關外軍務告竣一切善後事宜尚須籌畫所有後路防營及轉運各事該大臣是否可以兼顧無須劉典幫辦之處即著斟酌情形奏明辦理將此諭令知之欽此臣維劉典奉 命幫辦改甘軍務於今三載漢回

又安兵民和輯固已成茲可觀凡整軍節餉可以裨益地方及生聚教訓可為民間久遠計者無不殫誠竭慮詎勉圖之陝甘官紳士民兵勇具有見聞無煩臆縷臣竊念壹志經營關外新疆內顧無虞實賴劉

典之同心裨贊現在新疆軍務雖竣而謀及久長莫如置省開設郡縣事關大局宜慎其始北路鎮迪一

道雖粗具規模然自準部夷滅後漢回錯處兵燹之餘遺黎什存一二田疇荒蕪無彌望肅條近時招徠耕

墾稍有頭緒然非俟烏魯木齊都統伊犁將軍詳細會籌不能定議入 告南路自吐魯番以暨八城久

為安集延逆渠竊踞雖官軍長驅迅掃致毫無犯回民安堵如常較北路尚為完善惟議設郡縣則必正經界察腴瘠以定賦役別險夷審衝僻分繁簡以定官制有仿內地成法隨宜損益者有按內地成法應議變通者非俟劉錦棠張曜及各局員隨時察酌會籌不能定議入 告千條萬緒創始尤難紙牘往返動需兩月有餘臣雖衰朽餘年仍應暫駐邊關待此議有成乃可回省而關內正議改各營行糧為坐糧以期撙節而規久遠尤非劉典一手經理難期周妥劉典體質素強惟不耐窮邊寒苦易生疾病每過冬

春即患喘促氣滿痰壅暈眩諸證與臣同病而所患尤劇臣遣人省視僂僂呻吟之狀如見如聞而猶力疾治事鉅細躬親晨夕靡間屢次緘稱年已六旬久病之餘精力銳減深以未獲為國久効馳驅為憾母年八十有七近聞衰病侵尋時深憂懼詞多苦楚臣雖再四慰留然觀其情狀實有未敢壅於上聞者竊意時近海暑長途跋涉亦非病軀所宜而劉典經手事宜尚須料量非新秋不能成行合無仰懇皇仁俯准劉典開缺回籍以便省親養病之處出自天恩謹據實覆陳伏候 皇太后 皇上

聖鑒訓示施行謹 奏 光緒四年四月二十八日

請 飭楊昌濬幫辦軍務片 再臣自咸豐十年奉 命從事戎行即延致素交襄理營務維時司臣營務者道員 子諱介王開化及劉典楊昌濬三人道義相正患難與偕實非尋常可比雖異時悲離

合蹤跡不同而彼此氣誼交孚至今尚堪覆按楊昌濬以餘杭案去官時論異同臣固無庸置喙然觀浙

民去思之切亦足見其無負於浙人也茲劉典養親治病實出真忱臣既蒙 垂詢不能不代懇 恩

施開缺回籍而新疆善後事務紛繁一時難就緒臣既不能分身兼顧則幫辦軍務仍須速覓替人合無仰

懇 天恩特飭前任浙江巡撫臣楊昌濬迅赴蘭州幫辦陝甘軍務出自 聖裁臣因時事相需起見不

敢自安緘默是否有當伏乞 聖鑒訓示施行謹 奏 光緒四年四月二十八日

光緒四年五月十五日內閣奉

上諭左宗棠奏覆陳劉典病難速痊親年篤老懇准開缺回籍並請簡員幫辦各摺片通政使司通政使劉典

准其開缺回籍前任浙江巡撫楊昌濬著賞給四品頂戴幫辦疆善後事宜劉典著俟楊昌濬馳抵甘

肅後再行交卸回籍欽此

恭謝 天恩 奏為恭謝 天恩 聖鑒事竊臣於四月十四日奏懇 天恩仍允收還成命一

摺五月十一日准兵部火票遞回原摺後開軍機大臣奉 寬有旨欽此同日遞到光緒四年四月二

十九日內閣奉

上諭

左宗棠仍懇允收成命一摺所稱回疆底定巨熟稽誅各省灾祲又復迭見正君臣交敬之時不敢濫膺
高爵等語具見敬畏之忱實堪嘉尚際此時艱孔亟該大臣於應辦事宜殫竭忠誠妥為籌畫即所以圖
報稱而濟艱難至該大臣兩次陳請固非飾讓鳴高而錫爵庸庸朝廷亦當有以示勸著仍遵前旨再
固辭欽此自 天有命伏地增慙謹即恭設香案望 闕叩頭恭謝 天恩伏念 臣幸際 昌

熙躋躋鈞軸荷

聖慈之下逮叨新曠典之頻膺疊承

恩命遙頒瞻

闕而悚惶靡措茲復

溫綸達貴循牆而偃僂彌虔

申諭毋許固辭敢不凜遵夫

成命

錫封既承

異數尚

庸圖報於來茲臣惟有益嚴畏敬之忱勵從公而匪懈彌懷忠誠之

訓苟利

國無弗為勉効涓埃

上酬

高厚有所繼臣感激榮幸下懷謹繕摺具奏恭謝

天恩伏乞

皇太后

皇上

聖鑒謹

奏光緒四年五月十九日

左文襄公奏稿續編卷七十二

酌定西甯留防礮隊餉章摺

奏為酌定西甯留防礮隊餉章仿照土勇營制支發以歸核實恭摺具陳仰祈

聖鑒事竊臣等准前

任西甯辦事大臣豫師咨開本年三月十六日奏陳西甯撤防籌商布置地方事宜一摺奉

旨知道了

著豫師咨行山東巡撫每年撥銀一萬兩解交左宗棠轉解西甯以資應用戶部知道欽此欽遵恭錄咨行前來臣等查豫師移交西甯留防開花洋礮護勇員弁二百四員名歲只餉銀一萬兩自不能按照楚軍餉章支發當即咨商照土勇營制核定計歲支九千一百餘兩尚餘銀八百餘兩可作為製造大樂旗幟並修整軍械之需惟遇閏年應支銀九千九百餘兩則製造各項實有不敷自當極力撙節隨時彌補所有此項員弁勇丁薪糧餉銀概自本年四月十一日且福裕接印之日起支惟山東搭解餉銀遲速難定而勇丁計口授食必須按月支領應由且宗棠按月挪墊撥解以資救放山東餉銀解到隨時劃還欸此項餉銀既由山東解交且宗棠轉解所有支發報銷應於年終由且宗棠核明礮隊留防軍餉一併報部且福裕毋庸另報以歸劃一而免紛歧除將此項員弁勇丁應支餉銀數目造具簡明清冊咨明戶部立案外所有酌定西甯留防礮隊支發餉章緣由謹合詞恭摺具奏伏乞

皇太后

皇上聖

鑒訓示施行謹奏光緒四年七月初四日

軍機大臣奉

旨知道了欽此

護送常清明緒遺骸回旗片

再據署烏魯木齊提督金運昌贖稱故原任伊犁將軍且常清明緒二員從事邊疆服勞盡節俱已仰蒙優卹惟其骸骨尚滯伊城未知葬所上年十月間故都統英翰派委分省補用同知直隸州知州田立楷安徽候補守備高福秀前赴伊犁偵探情形密飭就便訪尋常清明緒掩埋處所茲據該委員等自伊犁回至烏城稟稱到伊犁後訪得故原任將軍常清遺骸在金頂寺官菜園中經當時收埋之纏回呼大拜

的罕布拉等指認確鑿啟上驗視屍軀腐化並骨殖亦不完全緣米地屢經鉅墾無從辨認拾取也又於伊犁大城中覓故將軍明緒並其妻室及二子墓所據錫伯營署總管防禦阿木昌阿及官兵庫爾都勒等僉稱前將軍明緒於城陷時與其妻命婦聚存餘樂補引大自轟先揮其兩子出城逃生兩子依戀不去大發一併焚死情事慘烈旋蒙著錫伯營領隊大臣喀爾丹阿密派該員弁等於爐灰中檢其遺骨埋大城中緣因大藥轟折骸骨不完倉卒收殮未遑排檢高福秀等照所指處所啟驗一符合檢盛木匣護回烏城金運昌仍派該守備高福秀隨英翰遺體護送進關六月初一日行抵肅州且飭換常清一棺明緒一棺明緒之妻及兩子共一棺率僚屬祭奠妯娌令高福秀護隨英翰遺體回旗並飭甘肅臬司發給勘合令陝西山西直隸沿途各地方一體照料惟且行營未帶案卷於常清明緒死事年月及係何旗佐明緒之妻命婦何氏及隨殉兩子何名均無從查悉伏乞飭下該部該旗於常清明緒及明緒妻室兩子三棺回旗時行知該各親屬領歸安葬以妥忠魂謹附片陳明伏乞

聖鑒訓示施行謹奏光緒四年七月十一日

軍機大臣奉

旨另有旨欽此

籌借商款以濟要需摺

奏餉源已涸籌借商款仿照成案請

旨飭下各海關出票各省督撫蓋印連交上海採運局道員胡光

墉交收催取以濟要需恭摺馳陳仰祈

聖鑒事竊臣於光緒三年五月奏准借洋款五百萬兩洋款

到時劃還借欠各款外賸存無多本年三月內曾續陳一切並請飭下山東撫臣文格將應協之款提前四年起解廣西無應協且軍之款請飭令撫臣楊重雅提銀一百萬兩解濟且軍臣仍由湖南西征的餉分年解還歸欵初意山東廣西以無息庫款借濟且軍本無所損且借無息庫款暫濟軍用則實有益疆且義在奉公固無畛域可言也旋准山東撫臣絨牘允提前速解銀三十萬兩尚是大宗廣西則隻字不覆頃始接楊重雅來文解銀八萬兩而急於索還不容分年歸欵則借與不借等耳入款之可考者如此

上年久旱成災山西河南外陝次之甘又次之除本省賑務現飭造報容即具奏外山西河南應協巨軍之款既請停緩而該兩省常年應協各軍款項如張曜金運昌兩軍歲均以數十萬兩計兩省既無可解餉須由巨墊發義不容辭陝西除酌提軍餉接濟外其常年應協蜀軍月餉又須由巨籌墊軍餉因災受累固勢所必至也金順一軍本有專餉近因協款稀至窘蹙日甚巨又不得不代籌抑墊於萬難設湊中撥現餉十二萬兩以濟要需此外各處零星艱綴尚難悉數出款之約畧可考者如此巨與劉典熟商餉之源既無可開宜急節其流勉支此局遂議裁併征營改防營行餉為生餉然裁併征營其遺撤員弁勇丁長夫應發給實餉按照一營計算動需數萬兩防營議改生餉其撤遺員弁勇丁長夫仍須照未改章之先發餉統計須現銀百數十萬兩如果各省均按照定章八成以上依時起解則通融挪墊尚資敷衍乃自春夏以來各省協解之款不及從前踴躍頻催周應盼切成空業由陝西撫臣開單彙奏在案劉典職商後路糧臺道員王加敏息借漢口商號銀四十萬兩又借蘭州票號銀四萬兩勉強支持暫應目前之急現在新疆正議開設行省需用浩繁尤苦經費無措目前因山東廣西庫款未能應手即緘商上海採運局道員胡光墉屬其向華商議借巨款並准照泰西章程設立公司洋行糾集眾商湊資待借意楚得利益歸之中華而取攜又較便也旋據胡光墉覆稱即日赴滬創設乾泰公司招集華商議以五千兩為一股聽華商各自拼湊合成鉅款以待而華商復以商與官交事屬創行終多疑慮為詞經胡光墉再三譬曉以來札准一切照洋款成案事本一律別無可疑各華商雖允以一百七十五萬兩出借而心尚猶豫未能釋然維時匪豐洋行商人見創設乾泰公司已有成議自請以洋款一百七十五萬兩附入華款出借合成三百五十萬兩不居洋款之名胡光墉比以來札設立公司係專指華款如屏入洋款未免歧互與札意不符婉詞回覆而洋商又稱此次如允洋商附股並可不由總理衙門暨稅務司行文印押以免周折胡光墉察其情詞真切並可使華商釋然無疑遂飛稟請示一面查照向章各備信銀交存公司定議按月一分二釐五毫起息由粵海江海關海江漢五關出票督撫蓋印六年本息齊還清款每

年兩次每次以六箇月為一期以六年十二期合計每年需銀五十餘萬兩五闕勻攤每期不過增銀數萬兩並清還前次借用洋款本息均仍由各省應協西征餉項內劃抵初議六月二十日為期銀票兩交繼議展至九月二十日兌銀交票請示前來且維此次議借華商巨款本擬停借洋款以息羣疑洋商之聞風堅請附入華款出借實出意外然既由洋商自願湊附股實非華商招致而來且據匯豐洋行自請不必總理衙門暨稅務司行文印押可省周折與華款無所區分似其傾誠許與出自本懷非圖分華商息銀起見而華商以洋商附股益堅其信可期迅速集事現值新疆擬置省分設郡縣已有成議一俟借款解齊便可次第開辦不至稽延一時所耗息銀尚少而將來所省良多伏懇 天恩飭下各將軍督撫監督查照向章出票並印交胡先塘祇領遵辦俾得所藉手迅赴事機大局之幸亦微臣之幸也至各省應協且軍及新疆各軍餉需款項並請飭部嚴切查催報解庶免延誤牽掣之虞愚昧之見是 否有當謹據實馳奏伏乞 皇太后 皇上聖鑒訓示施行謹奏 光緒四年八月十六日

軍機大臣奉

旨該衙門速議具奏欽此

查獲逆財以充公用片

再臣准總統老湘各軍通政使司通政使二等勇臣劉錦棠咨稱上年官軍進抵喀什噶爾後安集延酋伯克胡里即攜眷遠颺各城夷黨亦多聞風逃走所遺物銀比飭各營局一律查追呈繳以充公用嗣據各營局先後追繳前來會稱此次所獲逆財有得自伯克胡里發與商民營利者有因官軍到境倉皇棄者且有各頭目報明窖藏所在因而掘獲者亦有懷德感甘以呈獻者計提督李克常由阿克蘇繳到湘平銀二千五百七十兩六錢四分提督李泗益由喀什噶爾繳到湘平銀九千五百三十兩一錢七分提督張俊由英吉沙爾繳到湘平銀一千三百二十五兩六錢六分提督譚拔萃由葉爾羌繳到湘平銀八千二百三十四兩三錢四分提督董福祥由和闐繳到湘平銀叁萬二千伍百一十八兩七錢五分又署葉爾羌阿奇木呢牙斯呈繳前在和闐挖出安夷窖銀按照湘平計共重二萬零八百一兩三錢除提

實呈繳送財各頭目人等銀四千八百二十七兩外實共收到湘平銀七萬零一百五十三兩八錢六分
提充公用等因呈請查核前來且維新疆南路現正設立總分各局籌辦善後一切事宜頭緒紛繁經費
甚鉅沿途安設台站馬撥驛書人等口糧工料亦須急為籌發飭均在於所獲逆財項下動支核實開報
理合附片陳明伏乞 聖鑒謹奏光緒四年九月二十四日

軍機大臣奉

旨知道了欽此

覆陳新疆情形摺

奏為

旨覆陳仰祈

聖鑒事竊臣於十月十三日承准軍機大臣字寄光緒四年九月三十日欽

奉

上諭一道跪聆之餘敬悉

皇太后

皇上保大定功慎終如始審時度勢策及萬全至意敢不畢獻

其愚竊祈

聖明採酌伏讀

諭旨伊犁在昔為西路第一重鎮俄人交還以後如何防守未交以前如

何布置伊犁九城縱橫相聯大城西南北三而舊有卡倫距俄境若干道路俄軍紮至何處全順現駐庫
爾喀刺烏蘇前隊西至何處且謹按俄人自據伊犁於西面舊有拱宸瞻德廣仁塔勒奇四城均棄而弗
守傾圮殆盡綏定一城近以之雜置陝回距伊犁僅三十里伊犁大城人煙甚少俄兵及商戶均萃居東
面惠寧與春寧遠三城而金頂寺煙戶尤多伊犁管事俄官名馬依爾品秩不過中國同知通判之類主
伊犁之事者七河巡撫也七河一作七水其官為固必納三爾其名為喀爾帕科斯克依所駐阿爾瑪圖
地屬俄境在伊犁西八百餘里其兼轄之官名圖爾齊斯坦總督名為克復滿亦呼高伏滿自稱代國大
臣駐浩罕故都塔什干城距我喀什噶爾不過數十程由喀什噶爾至俄邊納林河中隔俄屬布魯特部
喀城馬行六日可至從前伊犁本不與俄境相連以哈薩克布魯特種人又攻奪浩罕三部據其都城而浩罕屬安集延
所屬為之隔闕近年俄人先後脅誘哈薩克布魯特種人又攻奪浩罕三部據其都城而浩罕屬安集延
亦隨風而靡故我北路伊犁南路喀什噶爾之邊境皆與俄屬相接距俄境亦近也伊犁收還以後應於

邊境擇要築壘開壕安設大小墩位挑勁兵以增其險至伊犁大城西北之塔勒奇廣仁瞻德拱宸各城戶口鮮存水草却便應各擇要隘暫駐各營分屯其間所有旗綠各營刺存兵丁各給牛種牲畜督令游牧耕墾舊有城堡緩議修復尚非不可大城以東惠寧熙春寧遠各城民戶商戶願遷徙者遷徙願歸業者歸業邊圍既奠人安其土耕其野而出其途者不待招徠迥非甘肅從前東路西路數百千里蒿萊滿望查無人煙難於措置可比若烏魯木齊所屬各城相距甚遠難於照料此伊犁收還以後情形也伊犁未還之前金順大軍駐庫爾喀喇烏蘇其西精河地方勢處要隘向駐馬隊以資扼截自福珠哩歸後金順未及派紮填防致被漢回侵掠金順旋派馬隊二百前往填防當可無虞由精河西行一日為永集湖再西數十里即伊犁俄官所設之頭卡三日即抵伊犁中間山徑五道可達伊犁不由惠寧熙春寧遠三城經過然巖谷幽邃僅容一人一騎行走不能通車若收還伊犁則驛道山徑皆成腹地此形勢變遷俄人現在布置官軍防守及距伊犁道里遠近大畧也

諭旨郡縣之制以民為本現由嘉峪關烏魯木齊至庫爾喀喇烏蘇迤西商戶回戶各存若干由吐魯番至南八城踰頭共存若干除舊有各廳州縣外其餘各城改設行省究竟合宜與否倘置郡縣有無可治之民不設行省此外有無良策且謹按新疆之變起於北路迪化失守所屬相繼淪陷戶口傷亡最多漢民被禍尤酷以逆回仇視漢民故也比大軍進剿連破堅城而昌吉呼圖壁綏來回民又因畏剿逃奔南路烟戶頓減克復以來還定安集招徠開墾戶口漸增迪化州各屬尤多成效可觀舊額民戶共四千二百有奇報承墾者已三千六百餘戶昌吉縣民戶舊共三千九百有奇現報承墾者僅四百數十戶阜康縣民戶舊有三千九百餘戶現報承墾者僅二百一十餘戶綏來縣民戶舊有三千七百餘戶現報承墾者八百五十餘戶奇臺縣舊有民戶四千二百六十有奇現報承墾者五百七十餘戶濟木薩縣丞所屬舊有民戶二千八百有奇現報承墾者三百五十餘戶呼圖壁巡檢所屬舊有民戶一千七百三十有奇現報承墾者二百八十餘戶庫爾喀喇烏蘇舊有民戶僅八十有奇現報承墾者尚數十戶精河舊有民戶四十有奇現報承墾者一百餘戶鎮西廳戶口無考舊

種地六萬畝現報民懇三萬六千餘畝兵墾四千餘畝土客漸增此北路民戶現存實數也久罹兵燹戶口凋耗無怪其然鎮迪一道所屬雖孑黎僅存頻年散結耕牛種籽酌發賑糧廣示招徠自木壘河抵精河降戈壁外又均是腴區土客民人及遣散勇丁領地耕墾逐漸增加署鎮迪道周崇傳勤慎廉幹事必躬親漸有明效需之時日百堵皆興即以目前論之亦非無可治之民也吐魯番舊隸鎮迪道荒地尚少現委道員雷聲遠署同知奎援安為撫輯糧石租稅已逾舊額之半南入城除英吉沙爾壤地編小烏什土性瘠薄餘均較吐魯番為饒而喀什噶爾和闐葉爾羌阿克蘇底而兼富物產豐盈又較各城為盛劉錦棠張曜悉心經理現委員開河引渠清丈地畝修築城堡塘站鑄錢徵釐百廢肇興具有端緒較之北路尤易為功是南北開設行省天時人事均有可乘之機失令不圖未免可惜此新疆之應改省者一也北路得之準部南路得之回部皆因俗施治未能與內地一道同風久已概為邊地伊犁設將軍又設參贊大臣一員烏魯木齊設都統塔爾巴哈台葉爾羌均設辦事大臣伊犁等處設領隊大臣五員塔爾巴哈台烏魯木齊庫爾喀喇烏蘇古城巴里坤吐魯番烏什英吉沙爾均設領隊大臣哈密設辦事大臣一員設辦大臣一員葉爾羌設兼管和闐事務協辦大臣一員烏什設幫辦大臣一員喀什噶爾設換防總兵一員是邊地腹地皆一律視之無甚區別與經野馭邊之義不符將軍都統與參贊辦事大臣協辦與領隊大臣職分等差或皆出自禁閹或久握兵符民隱未能周知吏事素少悉練一旦持節臨邊各不相下稽察督責有所難行地周二萬里治兵之官多治民之官少而望政教旁敷遠民被澤不亦難哉北路糧員但管徵收而承催則責之頭目南路徵收均由回目阿奇木伯克等交官官民隔絕民之畏官不如其畏所管頭目官之不育者狎現其民輒以大羊視之凡有徵索頭目人等輒以官意傳取倚勢作威民之怨官不如怨所管頭目也內地徵收常制地丁合而為一按畝出賦故無無賦之地亦無無地之賦新疆則按丁索賦富戶丁少賦役或輕貧戶丁多則賦役反重事理失平莫甚於此貨幣之制子母不能相權爭訟之事曲直不能徑達官與民語言不通文字不曉全恃通事居間傳顛倒混淆時所不免此非官

與民親漸通其情實去其壅蔽廣置義塾先教以漢文俾其畧職字義徵收所用券票其戶民數目漢文居中旁行兼注回字令戶民易曉遇有舛誤即予隨時更正責成各廳州縣而道府察之則綱目具而事易舉頭目人等之權殺官司之令行民之情偽易知政事之修廢易見長治久安之效實基於此新疆之應改行省者二也夫立國有疆古今通義傳曰天子有道守在四夷周秦以前姑弗具論自漢以來通道始於張騫不能得月氏要領求馬繼以廣利不能下小國堅城漢於西域窮天下之力以務之卒有輪臺之悔故班固以為得之無益棄之不為損也今主棄地之說者祖之且愚非不謂然顧斷斷於兵不可停地不可棄者蓋以地形無今昔之殊而建置則有因創之異窮變通久因時制宜事固有不客已者謹按新疆開拓肇自高宗時移涼州西安熱河滿兵延河綏德甯夏興安漢中西甯固原肅州河州安西綠營兵丁駐守南北兩路餉不外增各城養廉經費則以京口杭州等處出旗漢軍俸餉口糧馬乾及甘肅等處所減草料充之計內地每歲裁減之數共一百二十九萬兩有奇而劃抵新疆養廉經費一百零七萬八千四百餘兩外尚餘銀二十一萬一千五百餘兩不特無糜餉之餘且有節餉之實論者竊以耗中事西疑之於聖意拓邊節餉固無當也且自度隴以來即留心稽考甘肅新疆餉數會稱承平時每歲約銀五百餘萬兩自變亂以來冊籍散佚難以覆按請部鈔示成案亦無以應近據藩司崇保詳稱查得道光二十七年甘肅口內外駐防滿州蒙古旗綠官兵應需俸餉紅白賞卹等項銀四百一十五萬二千三百五十三兩三錢九分九釐四絲一忽內先一年預撥銀一百四十萬兩外銀二百七十五萬二千三百五十三兩三錢九分九釐四絲一忽由部且照依估撥預撥完數以此準之甘肅新疆實餉五百餘萬之數雖無可考而一歲之中預撥正撥四百一十五萬有奇則有數可稽也且竊度南北兩路如行清仗之法就畝徵賦仿什一之制而從寬定額民收十數分官徵其一以給軍食尚有餘修渠濬流以備旱潦改鑄制錢以便民用設局徵釐以裕課稅創設義塾教之識字選調匠師教之藝事自季春至合次第經理甫有端緒容俟各處贖取齊即行具奏此外南北兩路物產尚有藥材皮張吐魯番之棉花和闐之玉